

TM

# SOLUSI

PANDUAN  
HIDUP  
BERSYARIAT

2012 | PP 15048/05/2012 (029644) |

• MOTIVASI • FARDU AIN •

ISU No. **41**

## TUTUP AURAT SUPAYA SELAMAT

Allah s.w.t. mengharamkan wanita mendedahkan kecantikan zahimya, bukan bertujuan menyekat kebebasan wanita, tetapi kerana Allah menyayangi wanita. Tidak ada wanita yang akan teraniaya dan menderita kerana hukum menutup aurat. Sebaliknya, dengan mendedahkan aurat mereka telah menzalimi diri mereka dan merosakkan orang lain.

**110** Ramai Wanita Menghuni Neraka?

**96** Komitedkah Aku dalam Mendalami Islam?

**68** Riba, Umpama Dirasuk Syaitan

**25** Aib Orang Diselindung, Aib Sendiri Disorok

ISSN 1985-5400



41



9 771985 540003

RM 10.00 (SEM)  
RM 12.00 (S/S)  
SGD 7.50  
BND 7.50  
USD 10.00  
EUR 8.00  
IDR 35,000.00  
AUD 7.50

TELAGA BIRU SDN. BHD.



AUDIT BUREAU OF CIRCULATIONS  
Incorporated in Malaysia

China 8.9%, Russia 7.2% dan Indonesia 6.6%. Data ini jelas menunjukkan, dengan jumlah emas yang sedikit, dibimbangi negara lain akan mengambil kesempatan ke atas umat Islam.

#### 6. Dunia tidak lagi menggunakan emas dan perak

Pelaksanaan menjadi semakin sukar apabila negara sekitar tidak menggunakan emas dan perak. Ini berbeza pada zaman Nabi s.a.w. kerana semua negara menggunakannya, lalu putaran dan pusingan mata wang akan berlegar dalam dunia ekonomi ketika itu.

Namun jika hanya Malaysia yang menggunakannya sebagai contoh, ia akan menyebabkan negara jiran datang membawa wang kertas dan ditukar dengan dinar dan dirham, kemudian mereka akhirnya keluar meninggalkan Malaysia membawa emas dan perak terbabit.

Jika ini berlaku, tentunya negara akan rugi teruk kerana tersangkut dengan wang kertas yang kurang nilai, manakala simpanan emas pula semakin berkurangan.

#### 7. Jika skala transaksi lebih besar daripada jumlah emas dan perak

Pernah berlaku dalam sejarah, apabila bisnes dan perusahaan menjadi semakin besar dan simpanan emas tidak lagi mencukupi untuk menampung peredaran emas bagi urusan transaksi ekonomi, pihak kerajaan akan mula menempai dinar dan dirham dengan peratusan emas dan perak yang kurang dari sepatutnya. Akhirnya mata wang terbabit tidak lagi boleh digelar dinar dan dirham yang tulen.

#### 8. Harga berbeza

Dinar dan dirham, khusus pada hari ini, mempunyai harga yang berbeza antara satu pengeluar dengan pengeluar yang lain disebabkan perbezaan kos pengilangan, ketulenan dan juga kaedah kiraan keuntungan pengeluar. Bayangkan dinar keluaran Kelantan lebih mahal daripada keluaran syarikat-syarikat biasa. Dinar keluaran syarikat lain pula menjual emasnya dengan harga yang berbeza. Perbezaan harga ini boleh menyebabkan kekeliruan dan ketidakstabilan timbul, serta membuka ruang penipuan kepada pihak-pihak tertentu.

#### 9. Sifar dorongan politik

Ketiadaan kehendak politik yang serius daripada ahli politik sesebuah negara dan negara-negara umat Islam yang lain. **S**

[ Bersambung ]

# soal jawab muamalat

■ DR. ZAHARUDDIN ABD. RAHMAN

## Tanggungjawab Sebagai Ketua

**Saya seorang CEO (Chief Executive Officer) di sebuah syarikat. Akhir-akhir ini saya kerap terdengar ceramah Dr. di radio berkenaan pelbagai permasalahan muamalat. Selaku ketua sebuah syarikat dan usahawan, saya sering terfikir; apakah yang perlu dan boleh saya lakukan sebagai CEO? Pohon panduan ringkas daripada Dr.**

**Jawapan:** Kita sebagai individu Muslim wajib mengetahui hukum berkaitan kewajipan fardu ain dan setiap ajaran yang mesti dipatuhi dalam kehidupan.

Bagaimanapun, kita tidaklah dikehendaki untuk mempelajarinya secara terperinci kerana ia tugas ilmuwan Islam yang khusus. Sila rujuk [www.zaharuddin.net](http://www.zaharuddin.net) untuk keterangan lanjut.

Demikian juga perihalnya berkaitan zakat, kita perlu mempelajari selok-belok menunaikan zakat bagi harta yang diperolehi.

Antara perkara yang perlu diketahui oleh seseorang usahawan atau CEO bagi sesebuah syarikat ialah:

- Kewajipan **zakat** perniagaannya.
- Transaksi perniagaan atau jual beli yang **sah menurut syariah**.
- Sensitiviti** terhadap barangan yang dikeluarkan atau dijual agar tidak membantu industri haram.
- Pengetahuan berkaitan **riba** dan perangkap-perangkapnya kerana isu riba kerap timbul apabila sebuah syarikat memerlukan suntikan modal bagi menjalankan atau mengembangkan perniagaannya, iaitu apabila sesebuah syarikat mendapatkan modal melalui produk pinjaman perniagaan daripada bank-bank konvensional.
- Kebajikan pekerja** yang dijaga bertepatan dengan kehendak syariah.
- Berhati-hati dengan hadiah-hadiah yang dianugerahkan dan diterima kerana **ada kalanya ia ada kaitan dengan rasuah**.
- Kemudahan** yang disediakan oleh perbankan Islam untuk menjaga kekuatan syarikat. Ini amat perlu agar tidak terjebak dalam kemelut riba yang diharamkan.

Seluruh kepimpinan Muslim syarikat-syarikat perlu menyedari bahawa tiada lagi alasan "darurat" atau "terpaksa" untuk mengambil apa-apa jua produk kewangan konvensional, sambil mendakwa tiada produk Islam yang boleh digunakan. Ia satu perkara yang amat penting bagi kepimpinan korporat Muslim untuk memastikan seluruh transaksi perniagaan, pelaburan, sumber kewangan dan kegunaannya menurut landasan syariah. Jika tidak, perniagaannya pasti akan "kering" daripada berkat serta lahirlah kakitangan bermasalah yang tidak amanah, malah boleh membawa ke arah keruntuhan sesebuah entiti perniagaan atau organisasi.

Kepimpinan korporat dan syarikat perlu memahami bahawa tanggungjawab mereka bukan sahaja untuk mencipta kekayaan dan keuntungan semaksimal mungkin kepada syarikat dan diri sendiri, tetapi mereka juga perlu menjaga tanggungjawab sosial dan etika terutamanya para pekerja mereka.

Nabi s.a.w. bersabda yang bermaksud: "Tiada seorang hamba Allah yang dilantik menjadi pemimpin, kemudian dia tidak (menggunakan kedudukannya) menasihati dan membawa rakyatnya ke arah kebaikan (dan Islam), kecuali Allah akan mengharamkan baginya syurga." (Riwayat Muslim)

Mereka perlu memastikan semua pekerja diberikan hak sewajarnya, terutamanya hak untuk menunaikan solat fardu dan solat Jumaat serta menyediakan surau yang selesa. Selain itu, bagi sesetengah syarikat besar yang menawarkan kemudahan pinjaman kereta dan perumahan kepada para kakitangannya, saya ingin menasihati pihak pengurusan agar bertanggungjawab memastikan semua pembiayaan rumah dan kereta itu patuh syariah, terutamanya jika kakitangan itu sendiri yang mengingini pembiayaan Islam.

Sekiranya sesebuah syarikat itu telah pun menggunakan pinjaman konvensional, mereka masih lagi mempunyai jalan keluar iaitu dengan *refinance* atau membuat pembiayaan semula dengan bank-bank Islam yang semakin banyak hari ini. Kini, kebanyakan bank Islam menyediakan kemudahan penukaran produk konvensional kepada cara Islam.

Nabi s.a.w. bersabda yang bermaksud: "Tinggalkan apa-apa yang kamu

ragui kepada apa-apa yang tidak diragui.”  
(Riwayat al-Tirmizi)


Tiada sebarang alasan untuk menjustifikasikan sikap ambil ringan kepimpinan syarikat yang tidak menawarkan pembiayaan secara Islam kepada kakitangan Muslimnya. Nabi s.a.w. bersabda yang bermaksud: “Setiap kamu ialah penjaga dan bertanggungjawab atas ahli (rakyat atau pekerjanya).” (Riwayat al-Bukhari dan Muslim)

Justeru, perlu difahami bahawa bank-bank Islam hari ini sentiasa bersedia untuk membantu mana-mana syarikat korporat besar atau kecil untuk menyelamatkan atau menukar pinjaman kepada pembiayaan Islam dan lain-lain. Malah mereka sentiasa bersedia membantu untuk memperbetulkan sesuatu model perniagaan sesebuah syarikat yang dijalankan tidak mengikut hukum-hakam Islam kepada cara yang bertepatan dengan syariah. Ia pasti membawa keselamatan kepada pemimpin dan pekerjanya, insya-Allah.

Seorang ketua syarikat juga mesti tahu membezakan antara unsur halal dan haram dalam setiap urusannya. Sebagai contoh, sebuah syarikat penerbitan ditegah daripada menerbitkan sebarang buku atau majalah yang memaparkan gambar yang menaikkan syahwat dan menghampirkan kepada zina. Demikian juga, menerbitkan artikel atau kisah-kisah fitnah, khurafat serta karut. Benar, walaupun ia membawa pulangan keuntungan yang banyak, tetapi ia hanyalah keuntungan sementara di dunia yang pasti membawa kecelakaan maksimum di akhirat.

Ketua syarikat juga perlu memahami beberapa perkara seperti keikhlasan dalam kerja, penjagaan waktu bekerja yang sempurna, tuntutan bayaran yang benar, bahana rasuah yang kerap berlaku, peraturan haram hasil anugerah kontrak kepada kontraktor pilihan dan banyak lagi, di samping menasihati pekerja bawahan berkaitan kepentingan memahami dan mengamalkannya.

Kerap kali kita bertemu dengan pekerja yang sarapan paginya mengambil masa hingga 30 minit kerana bersempang panjang. Mereka tidak sedar tindakan mereka melayakkan untuk tergolong dalam *athar*: “Setiap daging yang terbina daripada harta yang haram, maka neraka adalah lebih layak untuknya.”

Nabi s.a.w. bersabda yang bermaksud: “Sesungguhnya Allah menyukai seseorang hamba yang apabila membuat sesuatu pekerjaan, mereka sentiasa memperelokkannya.” (Riwayat Ibn Majah dan al-Tabarani) 

## puisi

■ KHADIJAH KHALILAH ABD. RASHID

### Perjalanan Hidupku

Hidup yang hanya sebentar di sini tak akan dibiarkan berdegung dalam buih-buih laut yang akhirnya pecah tak tinggal apa-apa selain kesia-siaan tetap berusaha mencapai tangkai suci keredaan-Mu, Tuhan.

Sesungguhnya hidup pabila dibiarkan memanjang tanpa tujuan dan pegangan menyamai dedaun kering di permukaan sungai terapung dan hanyut dan berakhir di muara yang kotor berlumpur tanpa harga kecuali kehinaan.

Kujadi Engkau kekasihku; paling setia bukankah ini yang Engkau sukai?

**Mohd Adid Ab Rahman**  
Kota Bharu

### Mendakap Damai

Menyaksikan bentangan alam kaku dipagut rindu menusuk ke jiwa nubari terus menuju ke lubuk fikir Maha Kaya nikmat Pencipta damai yang terhambur di depan mata menjadi lembar permaidani kehidupan.

Mendakap erat melodi alam damai girang mergastua bersahutan terbebar di angkasa mega membentuk kepulan impian ketamadunan lubuk fikir daripada rahmat Tuhan bersama memakmurkan sewarjagat untuk diraup nikmat bersama.

**Nur Asilah Jamil**  
Kemaman